

# Mataupu sapalai: Paracetamol fa'asuavaia 250 mg i le 5 mL

Mai le aso 1 o Novema 2022, o le 'a suitulaga le Paracare paracetamol fa'asuāvaia 250mg i le 5 mL i se igoa fou e ta'ua o le Pamol.

**(Ta'u 'pa-ra-Sī-ta-mol')**

O le paracetamol fa'asuāvaia e masani ona fa'aogāina mo le fiva ma mea tīgā, aemaise lava i tamaiti.

## E fa'apefea ona ese mai le Pamol paracetamol?

O le lanu o le Pamol paracetamol 250 mg i le 5mL e ese mai le Paracare. O le Pamol e tau lanu pa'epa'e ae e tutusa lava le tofo - e moli lona tofoga. E tutusa mea o loo fai ai ma e tutusa lava o lā aogā.



### Fa'amatalaga

O le lanu o le Pamol paracetamol 250 mg i le 5mL e ese mai le Paracare. O le Pamol e tau lanu pa'epa'e ae e tutusa lava le tofo - e moli lona tofoga. E tutusa mea o loo fai ai ma e tutusa lava o lā aogā.

**!** O vaila'au ma fuāla'au fa'asuāvaia eseese e ono tutusa lanu ma tofoga. Ia faitau lava fa'amatalaga ma tu'uina i lau tama le inumaga sa'o.  
**'AUA e te fa'alagolago i le lanu, manogi, poo le tofo.**

## O le ā se tele o le paracetamol e tatau ona ou fa'ainuina ai la'u tama?

- E fuafua lava le inumaga o le paracetamol i le mamafa o lau tama.
- Fua le mamafa o lau tama MA siaki le malosi o le paracetamol o loo ia te oe.
- Fa'aaogā le fua o inumaga o loo tā'ua ifo i lalo e saili ai le inumaga sa'o.

## A'o le'i fa'ainuina le paracetamol a lau tama:

- Siaki poo manaomia pea lava e lau tama.
- Fa'atali mo le ta'i 4 itula o inumaga ta'itasi.
- 'AUA ne'i sili atu ma le 4 inumaga e fai i totonu o le 24 itula.
- Siaki le aso e fa'alēaogāina ai.
- Siaki isi fuāla'au ma vaila'au mo le fa'ama'alili (cold), tale poo le fulū o loo taumafa, e ono iai i totonu se paracetamol.



**E tāua lava ona 'aua ne'i sili atu inumaga a lau tama mai inumaga fa'atulagaina i aso ta'itasi. Afai ua tele tele se inumaga a lau tama - i le taimi lava e tasi poo ni fa'asologa o aso - e ono fa'aleagaina ai e le paracetamol lona ate.**



**Mo nisi o fa'amatalaga e uiga i le paracetamol fa'asuāvaia asiasi ane i le [pharmac.govt.nz/paracetamol-liquid](https://pharmac.govt.nz/paracetamol-liquid)**

## Fua o le inumaga o le paracetamol

Mamafa o le tamaitiiti	250 mg i le 5 mL
Lalo ifo ma le 5 kg	Fesili i lau foma'i poo le foma'i talavai
5 kg	1.5 mL
6 i le 7 kg	1.5 mL
8 i le 9 kg	2 mL
10 i le 12 kg	3 mL
13 i le 14 kg	4 mL
15 i le 16 kg	4.5 mL
17 i le 18 kg	5 mL
19 i le 20 kg	5.5 mL
21 i le 22 kg	6.5 mL
23 i le 25 kg	7 mL
26 i le 28 kg	8 mL
29 i le 32 kg	8.5 mL
33 i le 36 kg	10 mL
37 i le 41 kg	11 mL
42 i le 60 kg	12.5 mL
Sili atu ma le 60 kg	15 i le 20 mL